

Tutu ñanoó ti'ví taPablo kua'an ña nda'a taTimoteo

Xí'in to'on yó'o taPablo chindeé ra taTimoteo

¹ Yi'i, taPablo, taapóstol xí'in ndayí Jesucristo kúu i, chi saá Ndios xí'in Jesucristo sakuiso chiño ra yi'i. Ndios kúu Taa ta Sakaaku mji yó noo ña on vá'a, ta Jesucristo táxi ra ña kúndaq ini yó ndí ndixa kasa ndivi ra ña ndáti mji yó xa'a ña kándixa yó ra. ² Chindeé i yó'ó, taTimoteo, ta ta yóo ndatán yóo sa'ya mji i. Ta yi'i, ndatán yóo yivá mji ún saá nixiyo i xí'in ún saná'a i yó'ó xa'a yichi Jesucristo. Ta vitin kóni i ndí Ndios Yivá yó xí'in Jesucristo ta xá'nda chiño noo yó, ná kundá'ví ini ra koni ra yó'ó, ná ke'é ra ñava'a xí'in ún, ta ná taxi ra ña koo va'a ini ún. Saá ná koo.

Sava nivi na saná'a xa'a yichi Jesucristo ká'an na to'on ña on sivi ñandaq kúu

³ Kivi ta'an ka kee i ñoo Éfeso ta kixaq i ñii xiiña noo ño'o naní Macedonia yó'o, ta ndukú i ñava'a noo yó'ó ña kindoo ka ún ñoo Éfeso. Saá chi kóni i ña ka'an ún xí'in nivi na saná'a to'on ña on vása yóo yu'ú xí'in to'on ña ndaq ndino'o xa'a yichi Jesucristo. Ka'an ún xí'in nayó'o ña sandakoo na, ta on saná'a ka na to'on yó'o, chi on sivi ñandaq kúu ña. ⁴ Ta ka'an ún xí'in na ña on chikaq so'o na cuento yatá ña on koó xa'a. Ta ndato'on ún xí'in na ndí on chikaq na ndee xa'a ña sakuá'á na yu kúu naxii síkuá na. Saá chi xa'a

ña ké'é n̄ivi saá kixá'á na xí'in tɔ'on káni tá'an na xí'in tá'an na, ta ñayó'o nda lo'o on vása chindeé ña na ña va'a kutaku na yich̄i Ndios. Chi ndasaá kuiti ña kándixa yó Jesucristo kúu ña chindeé yó ña va'a kutaku yó yich̄i Ndios.

⁵ Ta ña x̄inj̄i ñó'ó ní noōj̄i kúu ña chindeé ún nañani yó xí'in náki'va yó ña ndixa kuki'vi ini na koni tá'an na. Tá vivíi ndii nakoo ním̄a na, ta on koó x̄a'a ña ním̄a m̄ji na chikāa ña kuachi kuiso na, ta ndino'o ini na kandixa na Ndios, ta saá kukomí na ndee ña ndixa kuki'vi ini na koni tá'an na. ⁶ Ta sava n̄ivi xa sandakoo na ña va'a kutaku na xí'in tá'an na, ta vitin ndasaá kuiti náa na xí'in ink̄a n̄ivi x̄a'a ña on vása ndaya'ví. ⁷ Nan̄ivi yó'o kóni na kuu na maestro ña saná'a na ndayí Ndios ña n̄itaa ta Moisés x̄ina'á, ta on vása x̄inj̄i na ña ká'an na, ni on vása kúndāa ini na x̄a'a tɔ'on sáná'a na, vará x̄áni s̄inj̄i na ndixa tɔ'on ña ndaa sáná'a na.

⁸ X̄inj̄i yó ndí ndayí ña x̄a'nda chiño Ndios x̄ina'á kúu ña va'a. Ta saá ni, tá on vása x̄inj̄i yó yu kúu x̄a'a ch̄indú'u Ndios ndayí ra, ta ndasaá kuiti kisa ndivi yó ña ndatán x̄áni s̄inj̄i m̄ji yó, ta saá ndixa kuá'an yó yich̄i on vá'a. ⁹ Ndixa x̄inj̄i ñó'ó kúndāa ini yó yu kúu x̄a'a ña ch̄indú'u Ndios ndayí. On s̄iví x̄a'a n̄ivi nandāa na kisa ndivi ña kóni Ndios kúu ña ch̄indú'u ra ndayí. Ta ch̄indú'u ra ndayí x̄a'a n̄ivi na toon ní ini, ta x̄a'a n̄ivi na on x̄jin kasa ndivi ña kóni Ndios, ta x̄a'a n̄ivi na on vá'a, ta x̄a'a n̄ivi na kí'vi ní kuachi, ta x̄a'a n̄ivi na on x̄jin kasa tɔ'ó Ndios, ta x̄a'a n̄ivi na x̄áku ndaa noo ndi'i ñava'a Ndios, ta x̄a'a n̄ivi na x̄á'ni yivá si'í m̄ji, ta x̄a'a n̄ivi na x̄á'ni ink̄a n̄ivi, ¹⁰ ta x̄a'a tāa ta kí'vi kuachi xí'in

ña'a ñá on sivi ñásí'í ra kúu, ta xa'a ña'a ñá kí'vi kuachi xí'in inka taa tã on sivi yí ñá kúu, ta xa'a taa tã kí'vi kuachi kini xí'in inka taa, ta xa'a ña'a ñá kí'vi kuachi kini xí'in inka ña'a, ta xa'a nivi na tĩn inka nivi ña taan se'é ña'á na,* ta xa'a nivi na ká'an to'on vatá xí'in nivi, ta xa'a nivi na ndakuiin to'on vatá noo nachino, ta xa'a nivi na saa ini xini to'on ndaa ña sáná'a yó. Xa'a ndi'i nivi na ké'é ña on vá'a yó'o, Ndios chĩndú'u ra ndayí ña ka'nda chiño noo na ña on ke'é na saá.
 11 Ta nivi na ké'é ña on vá'a yó'o on vása yóo yu'ú na xí'in to'on ña sáná'a yó, ña kúu to'on ña ndaa, ña va'a, ña livi ní. Ta mji to'on va'a yó'o kúu ña ká'an ndoso i noo nivi, chi Ndios sakuiso chiño ra yí'i ke'é i saá.

TaPablo táxi ra ña táxa'vi ña'á nda'a Jesucristo

12 Táxi i ña táxa'vi ña'á nda'a Jesucristo, taa tã taxi ndee nda'a i, chi xani ini ra ndí yí'i kúu tãndaa, taa tã ndixa kasa ndivi va'a chiño ra, ta nikaixin ra yí'i kuu i tã kisa chiño noo ra.

13 Ñava'a yó'o ke'é ra xí'in i, vará kuiya niya'a xikuu i taa tã nika'an ña on vá'a xa'a ra, ta saxo'vi ní i nivi na ndikon yichi ra, ta nika'an i to'on ndiva'a xí'in ra. Ta saá ni, Ndios kisa ká'no ini ra xa'a i, chi ña on vá'a yó'o ke'é i kivi ta'an ka kandixa i Jesucristo, ta taa tã naa ini xikuu i.

14 Vará nda ñii ñava'a on vása ní-ke'é i noo ra ñakán ke'é ra ñava'a xí'in i, ta ku'a ní ñava'a xa ke'é Jesucristo xí'in i. Ta taxi ra ndee ña kuchiño

* **1:10** Nivi na tĩn inka nivi ña taan se'é ña'á na, ké'é na saá chi kóni na kasa nduxa na xí'in na ña kasa chiño na noo na, án kóni na ndukú na s'i'un xa'a na.

kandixa j ra, ta taxi ra ndee ña kuchiño kuki'vi ini j koni j nivi. Ta ndi'i ñava'a naki'in j kixi ña noo Jesucristo.

¹⁵ To'on ña ndaa ña xini ñó'ó kandixa va'a yó káchí ña saá: Jesucristo kixaa ra ñoyívi yó'o ña sakaku ra nivi na kómí kuachi. Ta yí'j, xikuu j ñii ta ta xikomí ku'a ní kuachi, chi ndixa xikuu j ñii ta ta on vá'a ní ka noo ndi'i inká nivi. ¹⁶ Ta Jesucristo kisa ká'no ini ra xa'a ndi'i ña on vá'a ke'é j. Ta ñava'a ke'é ra xí'in j sáná'a ndí ta ká'no ní ini kúu ra. Ta saá ndi'i nivi kúchiño kundaa ini na ñii k'i'va ndatán kisa ká'no ini Jesucristo xa'a j, saá kúchiño kasa ká'no ini ra xa'a ndi'i nivi na ndino'o ini kándixa Jesucristo, ta saá kutaku na xí'in ra ndi'i saá kivi ña vaxi. ¹⁷ Xa'a ñava'a yó'o, ¡ná kasa ká'no yó Ndios! ¡Chi Ndios kúu taká'no ní, ta ta ndi'i saá kivi xá'nda chiño noo ndi'i yó, ta kúu ra ta ta xa táku ndi'i saá kivi xina'á, ta kutaku ka ra ndi'i saá kivi ña vaxi! Ta Ndios ndino'o, on kúchiño koni yó ra xí'in nduchu noo yó, ta ñii laá ra saá kuiti kúu Ndios, ta ta ndíchí ní sijní kúu ra. ¡Ná naki'in Ndios ndi'i ñató'ó! ¡Ná kanóo síkón to'on ra ndi'i saá kivi ña vaxi! ¡Saá ná koo!

¹⁸ Timoteo, ndatán yóo sa'ya miji yóo ún, ta vitin sákuiso chiño j yó'ó ña kasa ndivi ún chiño ña ndato'on j xí'in ún ña njtaa j noo tutu yó'o. Chiño va'a yó'o ñii yu'ú yóo ña xí'in to'on ña taxi Níma Ndios ña nika'an nañani yó xa'a miji ún kujya njya'a. Va'a ná chikaa ún ndee ña kasa ndivi ún to'on yó'o, xa'a ña kundee ún noo ña on vá'a. ¹⁹ Ná chindeé to'on ña naki'in ún ña kandixa ndino'o ini ún Jesucristo ta vivii ko'on ún yichi ra. Ta saá on koó xa'a ña níma ún

sakuiso ña kuachi sata mii ún. Nixiyo nivi na on vása ní-ke'é saá. Vará kúndaḡ ini na yu kúu ñava'a, ta ni-xiin na kasa ndivi na ña. Ta xa'a ñayó'o, ndi'i xa'a ña kándixa na Jesucristo. Ndatán nitani ñii barco xí'in ña nindo'o nó noḡ takuii m̄ini, saá nindo'o ña. ²⁰ Ñii ki'va saá nindo'o ovi taḡ ta kúu taHimeneo xí'in taAlejandro, ta xa'a ñayó'o nataxi i ovi ra saá nda'a ñaním̄a ndiva'a ká'no Satanás ña saxo'vi ña'á ña. Saá chi kóni i ña ovi tayó'o sakuá'á ra ña on ka'an ra to'on ndiva'a xí'in Ndios.

2

TaPablo ká'an ra ndasaá va'a ka'an yó xí'in Ndios

¹ Nañani yó xí'in náki'va yó, ña si'na ndúkú i noḡ ndó'ó kúu ña ka'an ndó xí'in Ndios xa'a ndi'i nivi. Ka'an ndó kuaku ndá'vi ndó noḡ ra xa'a nivi, ka'an ndó ndukú ndó ñava'a noḡ ra xa'a na, ka'an ndó ndukú ndó noḡ ra ña chindeé ra na, ta taxi ndó ña táxa'vi ña'á nda'a ra xa'a ndi'i ñava'a ke'é ra. ² Ndukú ndó ñava'a noḡ Ndios xa'a ndi'i narey xí'in ink̄a na xá'nda chiño noḡ yó. Ndukú ndó ñava'a yó'o noḡ Ndios xa'a ña on kóo kuachi ni on kóo ink̄a ña sandi'i ini m̄i yó. Ta saá xí'in ñato'ó ní ini yó kutaku yó xí'in ndi'i nivi, ta xí'in ña ndino'o ini yó kasa ká'no yó Ndios ta va'a kundik̄on yó yichi ra. ³ Tá kisa ndivi yó ndi'i ñayó'o, ta ñava'a ní kúu ña, ta Ndios, Taḡ ta Sákaku m̄i yó, kúsii ini ra xini ra ñava'a yó'o. ⁴ Saá chi Ndios kóni ra sakaku ra ndi'i nivi, ta kóni ra ndi'i nivi tondḡa na kundḡa ini na yu kúu ñandḡa. ⁵ Chi ndixa ñii laá kúu

Ndios, ta ñii laá kúu t̄a t̄a kúchiño sanakutá'an va'a n̄ivi xí'in Ndios. Ta t̄a t̄a kúchiño ke'é saá kúu Jesucristo, ⁶ chi Jesucristo t̄axi xí'in m̄ji ra, n̄ixi'í ra xa'a ña kuchiño sakaku ra ndi'i n̄ivi ño ndee ña on vá'a. Ta saá k̄iv̄i ch̄itóni Ndios, t̄axi ra ña kúndāa ini yó xa'a ñava'a ke'é Jesucristo, ta t̄axi ra ña ndát̄o'on yó xí'in n̄ivi xa'a ra. ⁷ Ta xa'a ñayó'o Ndios sakuiso chiño ra ȳi'í ña ka'an ndoso i to'on ra, ta n̄ikaxin ra ȳi'í kuu i taapóstol t̄a x̄ika chiño ño ra. Ta Ndios sakuiso chiño ra ȳi'í ña saná'a i n̄ivi na on vása kúu najudío ña kúchiño kundāa ini na yu kúu ñandāa ta ndasaá kúchiño kandixa na Jesucristo. Jesucristo x̄in̄i ra ña ndixa ndāa kúu to'on yó'o ña n̄ika'an i xí'in ndó, on s̄iv̄i to'on vatá kúu ña.

⁸ Ñayó'o kóni ȳi'í ke'é ndó: Ndi'i saá xiiña ño nákutá'an ndó xa'a ña kasa ká'no ndó Ndios, ta nataa na táku ndatán kóni Ndios, va'a ndan'í na nda'a na ta ka'an na xí'in Ndios. Ta nataa yó'o on vá'a kusāa ini na koni na ink̄a n̄ivi, ni on vá'a kani tá'an na xí'in n̄ivi. ⁹ Ta ndi'i xiiña ño nákutá'an ndó xa'a ña kasa ká'no ndó Ndios, ñayó'o kóni ȳi'í ña ke'é náña'a: Va'a kundixin to'ó ná tikoto, tikoto to'ó ña x̄in̄i ñó'ó ná xa'a chiño ña kisa ndivi ná, tikoto ña on chinóo n̄in̄o ñato'ó ná ño ink̄a n̄ivi. Ta saá on x̄in̄i ña kundixin ná tikoto ña yá'ví ní, ni on kasa ndivi ná xí'in yis̄i s̄in̄i ná ndatán ké'é náña'a ná kóni kasa ká'no xí'in m̄ji ño n̄ivi ña koto ndaa na náyó'o, ni on chindoo ndaa ná xí'in m̄ji ná ña kúu oro yá'ví ní án yu livi ña yá'ví nan̄i perla xa'a ña koto ndaa n̄ivi náyó'o. ¹⁰ Saá chi m̄ji ña ndixa ndása livi ní náña'a kúu chiño va'a ke'é ná, ndatán yóo chiño ño náña'a ná ndixa kisa

ká'no Ndios ta va'a kuá'an ná yichí ra. ¹¹ Ta kivi sakuá'a náña'a to'on ña ká'an xa'a yichí Ndios, ta xini ñó'ó tásjin koo ná ta x'in ñato'ó ní ini ná koni so'o ná to'on yó'o. ¹² Ta yi'i, on vása táxi ndayí nda'a náña'a saná'a ná nataa ve'e noo nákutá'an nivi kasa ká'no na Ndios, ni on vása táxi ndayí nda'a náña'a ka'nda chiño ná noo nataa, ta xini ñó'ó tásjin koo ná. ¹³ Saá chi Ndios si'na kisa va'a ra taAdán, ta saá kisa va'a ra ñáEva. ¹⁴ Ta ñandiva'a ká'no Satanás on sivi si'na sandá'ví ña taAdán, chi si'na sandá'ví ña ñáEva. Ta ñáyó'o xikuu ña si'na nakava x'in ña on vá'a. ¹⁵ Ta saá ni, Ndios sakaku ra náña'a kivi kaku sa'ya ná, tá ke'é ná saá: Xini ñó'ó kuu ná náña'a ná ndi'i saá kivi kándixa Jesucristo, ta xini ñó'ó kuu ná náña'a ná kí'vi ini xini ná inká nivi, ta xini ñó'ó kuu ná náña'a ná táku to'ó ndatán kóni Ndios.

3

To'on yó'o ká'an ndasaá xini ñó'ó kutaku na ndiso chiño x'in natá'an na na kándixa Jesucristo

¹ To'on ña ndixa ndaa káchí ña saá: Tá yóo nataa na kóni kuiso chiño x'in natá'an na na kándixa Jesucristo, ta chiño ña kóni na kasa ndivi nayó'o kúu ñii chiño va'a ní. ² Ta ñii ñii ta ndiso chiño x'in natá'an ra na kándixa Jesucristo xini ñó'ó kuu ra ta tandaa, ta ta kánóo va'a to'on xa'a noo nivi. Ta ñii ñii tayó'o xini ñó'ó kukomí ra ñii laá kuiti ñásí'í mji ra. Ta xini ñó'ó kuu ra ta ta násita x'in mji noo ña on vá'a, ta xini ñó'ó kuu ra ta ta si'na xani sijn yu kúu ña va'a ke'é ra, ta saá kisa ndivi ra ña

xínì ñó'ó ká. Xínì ñó'ó kuu ra ɬa ɬa va'a to'ó táku ño ñivi, ɬa ɬa va'a náki'in ñivi na kíxáa ve'e ra. Ta xínì ñó'ó kuu ra ɬa ɬa xa yóo ti'va ndasaá va'a saná'a ra ñivi. ³ Ta on vá'a kuu ra ɬa ɬa xí'i ní, ni on vá'a kuu ra ɬa ɬa kama ní sáa ini, ta káni tá'an ra xí'in ñivi, ni on vá'a kuu ra ɬa ɬa sándá'ví ñivi xa'a ña ki'in ra sù'un nda'a na. Ta xínì ñó'ó kuu ra ɬa ɬa vitá ini, ɬa ɬa xí'in ñato'ó nákutá'an xí'in ñivi, ɬa ɬa on vása kútoo ní kukomí ku'a ní sù'un. ⁴ Ta xínì ñó'ó kuu ra ɬa ɬa ndixa ní'i va'a yichì xí'in nave'e mji ra, ta xínì ñó'ó kuu ra ɬa ɬa xínì va'a ndasaá ka'nda chiño ra ño sa'ya ra, ta ñakán nasa'ya ra yó'o va'a kasa ndivi na chiño kóni ra, ta va'a to'ó kutaku na ño ndi'i ñivi. ⁵ Saá chi tá yóo ɬa ɬa on vása kúchiño kuni'i va'a yichì xí'in nave'e mji ra, ta ɬayó'o on kuchiño ra kuni'i va'a ra yichì xí'in natá'an ra na kándixa Jesucristo. ⁶ Nii ñii ɬa ɬa ndiso chiño xí'in natá'an ra na kándixa Jesucristo, on vá'a kuu ra ɬa ɬa sakán kixá'a kándixa Jesucristo. Saá chi yiyo ní kixá'a ra kasa ká'no xí'in mji ra xa'a ña kisa ndivi ra chiño ká'no, ta Ndios saxo'vi ra ɬa ɬa kisa ká'no xí'in mji. Saá chi ku'ya xina'a ñanímá ndiva'a ká'no kisa ká'no xí'in mji ña ño Ndios, ta Ndios ká'an ra ndí ndixa saxo'vi ní ra ñandiva'a xa'a ku'chi yó'o. ⁷ Saá tuku ñii ñii ɬa ndiso chiño xí'in natá'an ra na kándixa Jesucristo xínì ñó'ó kuu ra ɬa ɬa kánóo va'a to'on xa'a ño inká ñivi na on vása kándixa Jesucristo. Ta xínì ñó'ó vivii kutaku ra ña on sakuka'an ra ño ra ño ñivi, ta xa'a ñayó'o ñanímá ndiva'a ká'no on kuchiño ña sandá'ví ña ra.

Tɔ'on yó'o ká'an ndasaá xínì ñó'ó kutaku ñivi na chindeé natá'an na na kándixa Jesucristo

⁸ Ta saá tuku ñii ñii ɬa ɬa nákuiso chiño ña chindeé ra natá'an ra na kándixa Jesucristo xínì ñó'ó kuu ra ɬa ɬa tɔ'ó, ta síkón kánóo ñatɔ'ó ra ñoo ndi'i ñivi, ta kuu ra ɬa ɬa ndixa kisa ndivi tɔ'on ña ká'an ra. Ta xínì ñó'ó kuu ra ɬa ɬa on vása xí'i ní, ni on vá'a kuu ra ɬa ɬa sándá'ví ñivi xá'a ña ki'in ra sɪ'ún nda'a na. ⁹ Xínì ñó'ó kuu ra ɬa ɬa ndino'o ini kándixa tɔ'on va'a xá'a Jesucristo ña kúu tɔ'on ña sanativi Ndios ñoo yó ña kundaa ini yó ña. Ta ɬayó'o xínì ñó'ó va'a kutaku ra xá'a ña níma mji ra on kuchiño ña chikaá ña kuachi saɬa ra. ¹⁰ Ta ñii ñii ɬa ɬa nakuiso chiño ña chindeé ra natá'an ra na kándixa Jesucristo, si'na xínì ñó'ó koto ndoso va'a ndó ɬayó'o. Ta ɬa ɬa va'a keta ñoo ña xito ndoso ndó ra, chi xí'in ña táku ra kisa ndaa ña xá'a ra ndí kúu ra ɬa ɬa va'a, ɬa ndaa, ta ɬayó'o, va'a sakuiso chiño ndó ra ña kasa ndivi ra chiño ña chindeé ra natá'an ra na kándixa Jesucristo. ¹¹ Ta ñii kɪ'va ndatán táku ɬa ɬa ndíso chiño yó'o, saá xínì ñó'ó kutaku ñii ñii ña'a ñá kisa chiño ñoo Ndios. Ñii ñii ñáña'a yó'o xínì ñó'ó kuu ñá ñatɔ'ó, ta síkón kánóo ñatɔ'ó ñá ñoo ndi'i ñivi. Ta on vá'a kuu ñáña'a ñá ká'an tɔ'on vatá xá'a ñivi. Ta xínì ñó'ó kuu ñáña'a ñá va'a násita xí'in mji ñoo ña on vá'a. Ta xínì ñó'ó kuu ñá ñáña'a ñá vivii kisa ndivi ndi'i chiño ñoo mji ñá. ¹² Ta ñii ñii ɬa ɬa nákuiso kasa chiño ña chindeé ra natá'an ra na kándixa Jesucristo, xínì ñó'ó kukomí ra ñii laá kuiti ñásí'í mji ra, ta xínì ñó'ó kuni'i va'a ra yichì xí'in sa'ya ra, ta ñii kɪ'va saá xí'in inká nave'e ra. ¹³ Ta ndi'i na ndíso chiño ña

chindeé n̄ivi natá'an na na kándixa Jesucristo, tá va'a kisa ndivi nayó'o chiño ndiso na, ta ñakán kanóo va'a ñatō'ó na noo n̄ivi, ta saá tuku on kuyi'ví na ndatō'on na xí'in n̄ivi xa'a Jesucristo, ta ta kándixa na.

Ñayó'o ká'an xa'a to'on ndaa ña kándixa yó xa'a Jesucristo

¹⁴ Ndáti i ña yaçhi ní xaai noo yóo ún, ta vitin táai to'on yó'o ña ti'víi ña xaai ña nda'a ún, ¹⁵ chi tá on kuchiño xaai yaçhi i, ta xí'in to'on yó'o kundaai va'a ini ún ndasaá xini ñó'ó kutaku ndi'i nave'e Ndios, na kúu ndi'i n̄ivi na ndixa kándixa va'a Ndios tatáku. Chi ndi'i n̄ivi na kándixa Jesucristo kúu nave'e Ndios, ta ndatán yóo yiton tón ñindichi ma'ño ve'e, ta ndiso nó ña, saá yóo n̄ivi yó'o, chi ndino'o ini na kándixa na to'on Ndios, ta kisa ndivi na ña ká'an ra. Ta xí'in ña ké'é na saá, sáná'a na ndí ña ndixa ndaa kúu to'on Ndios. ¹⁶ Ndixa ña ká'no ní kúu to'on ña kándixa yó xa'a yichi Jesucristo. To'on yó'o xinakaa se'é ña, ta vitin Ndios sanativi ra ña noo yó. Ta to'on kándixa yó xa'a Jesucristo káchí ña saá:

Ndios nduu ra n̄ivi, ta n̄ixika ra noo n̄ivi noo ño'o yó'o.

Níma Ndios kisa ndaa ña ndí tandii, ta on vása kómí kuachi kúu ra.

Naángel xini na tayó'o.

Ta n̄ivi na kándixa ña'á n̄ika'an ndoso na xa'a ra noo inkai n̄ivi na ndóo ñoo inkai xiiña, na on vása kúu najudío.

Ta ñoyívi yó'o ku'a ní n̄ivi kándixa na ra.

Ta saá kee ra ñoyívi yó'o, ta ndaa ra ñoyívi ñino,
 ñoo yoo ndi'i ñava'a ña livi ña yé'e,
 káchí to'on ña kándixa yó.

4

*To'on yó'o ká'an ndí kivi ña vaxi
 koo ñivi na chikaq so'o to'on vatá*

¹ Níma Ndios ñika'an káxín ña saá: Tá xa vaxi yatin kivi sondí'í ñoyívi, ta sava ñivi sandakoo na yichí Jesucristo, ta chikaq so'o na ña ká'an ñaníma ña sándá'ví ña'á, ta kandixa ñivi to'on ña sáná'a ñaníma ndiva'a yó'o. ² Chikaq so'o na to'on ña ká'an ñivi na vatá, na ovi yu'u. Nanivi na vatá yó'o on kúchiño ka kundaa ini na yu kúu ñava'a, án ña on vá'a ke'é na, ni nda lo'o on vása kúka'an ka ñoo na xa'a ña on vá'a ke'é na. ³ Ñivi na vatá yó'o xá'nda chiño na ká'an na ndí on vá'a tonda'a ta xí'in ña'a, ta xá'nda chiño na ká'an na ndí on vá'a kuxu yó sava ña va'a xíxi ñivi. Ta on vá'a xá'nda chiño nayó'o, chi ndi'i ña xíxi ñivi kúu ñava'a taxi Ndios nda'a na. Ta saá mji yó, ñivi na kándixa Ndios, ta kúndaa ini yó to'on ndaa, va'a kuxu yó ndi'i ña táxi Ndios nda'a yó. Ta saá tá taxi yó ña táxa'vi ña'á nda'a Ndios xa'a ña, ta va'a kuxu yó ña. ⁴ Saá chi ndi'i ña kisa va'a Ndios kúu ña va'a. Ta saá táná si'na taxi yó ña táxa'vi ña'á nda'a Ndios xa'a ña kuxu yó, ta va'a kuxu yó ña, chi on vá'a xaa noo yó nda ñii ñava'a ña kúu ña ñika'an Ndios va'a kuxu yó. ⁵ Va'a kuxu yó ndi'i saá ñoo ñaxíxi, chi to'on Ndios xí'in to'on ña ká'an yó táxi yó ña táxa'vi ña'á nda'a ra, ta ndása ndii ña ndi'i ña kuxu yó.

*Tò'on yó'o ká'ḅn ndasaá xínì ñó'ó
kasa chiño tqTimoteo noḅ Jesucristo*

⁶ Tá saná'a ún tò'on yó'o noḅ nañani yó xí'in náña'a kḱ'vḅ yó, ta saá ndixa kuu ún ṭṭa ṭṭa vḅ'a kḱsa chiño noḅ Jesucristo. Saá chi ndṭṭán yóo ñḅavḅ'a xíxi ún ña táxi ndeḅ nda'ḅ ún, saá yóo tò'on vḅ'a ña kándixa ún ta sáná'a ún xḅ'a yichḱ Jesucristo ña kúu yichḱ ndíkḅn ún. ⁷ On chikaḅ sḅ'o ún cuento vatá ña on vása ndáya'ví, ña kúu cuento ndátò'on nḱivi ñoyívi yó'o na on vása kándixa Ndios. Ta sakuá'á ún chikaḅ ún ndeḅ xí'in mḱi ún ña vḅ'a kutaku ún ndṭṭán kóni Ndios. ⁸ Saá chi kuiti lo'o ndáya'ví ña chikaḅ ní yó ndeḅ ke'é yó ejercicio xḅ'a ña on kóo vitá yḱkḱ koñu yó. Ta ví'í ní kḅ ndáya'ví ña chikaḅ yó ndeḅ ña sakuá'á yó kutaku yó ndṭṭán kóni Ndios. Saá chi ña sakuá'á yó ndasaá vḅ'a sakusḱ yó ini Ndios kúu ña chindeé mḱi yó kutaku ndino'o yó noḅ Ndios ñoyívi yó'o xí'in ñoyívi nḱino. ⁹ Tò'on yó'o kúu ña ndixa ndḅḅ ta ndi'i nḱivi xínì ñó'ó na kandixa na ña. ¹⁰ Xḅ'a ñayó'o chíkaḅ ní yó ndeḅ kasa chiño yó, ta kúndeé yó noḅ ndi'i ña xó'vi yó xḅ'a tò'on ña on vá'a ká'ḅn nḱivi xí'in yó. Kúndeé yó chí ndṭṭi yó ta ndixa ndáa ini yó Ndios kasa ndivi ra tò'on ra. Ta Ndios yó'o kúu ṭṭa ṭṭátaku, ta kómí ra ndeḅ sakaku ra ndi'i nḱivi, ta ndixa sakaku ra ndi'i nḱivi na kándixa ña'á.

¹¹ Xínì ñó'ó ún ka'nda chiño ún ta saná'a ún ndi'i tò'on yó'o noḅ nḱivi natá'an yó na kándixa Jesucristo. ¹² Ta on taxi ún ndḅ ñii nḱivi xaa noo na yó'ó xḅ'a ña kúu ún ṭṭalo'o. Ta xínì ñó'ó saná'a ún nḱivi xí'in ña vḅ'a táku ún. Ta xḅ'a ña vḅ'a táku ún, sakuá'á nḱivi kḅ'ḅn na tò'on vḅ'a,

ta sakuá'á na kasa ndivi na chiño va'a. Ta sakuá'á na ndasaá va'a kuki'vi ini na koni na inká n̄ivi, ta sakuá'á na kandixa ndino'o ini na Jesucristo, ta sakuá'á na ndii kutaku na ndatán kóni Ndios. ¹³ Nda kivi vitin tãnda kivi xaāi noo yoo ún, ñayó'o xín̄i ñó'ó ke'é ún: Ka'vi ún to'on Ndios noo nañani yó xí'in náki'va yó, ta ndato'on ún xí'in na ña chikaá ún ndee ini na ña va'a kundikon na yich̄i Ndios, ta saná'a ún na ñandaá. ¹⁴ Ndios xa saní'i ra yó'ó ñii ndee va'a ña koni ñó'ó ún xa'a ña kasa chiño ún noo ra, ta on sandakoo ún koni ñó'ó ún ndee yó'o, ña kúu ña naki'in ún kivi naxikua'a ñani yó chinoo na nda'a na sin̄i ún, ta nika'an na xí'in m̄i ún to'on ña kee Níma Ndios.

¹⁵ Chikaá ún ndee ta sakuá'á va'a ún ndi'i ñayó'o ña ndat'on̄i xí'in ún. Ta saá nañani yó xí'in náki'va yó kundaá ini na ndí va'a vaxi kua'no ún xí'in ña kándixa ún ta ndikon ún yich̄i Jesucristo. ¹⁶ Kasa kuenda ún xí'in m̄i ún ña va'a kutaku ún, ta koto va'a ún ña ndasaá kuiti to'on ña ndaa saná'a ún, ta vivíi ko'on ún yich̄i Jesucristo, ta nda lo'o on sandakoo ún ña. Tá kasa ndivi ún ñayó'o, ta sakaku xí'in m̄i ún, ta saá tuku kaku n̄ivi na chikaá so'o to'on ña saná'a ún.

5

To'on yó'o ká'an ndasaá va'a kutá'an n̄ivi xí'in natá'an na na kándixa Jesucristo

¹ On ka'an kue'e ún xí'in nda ñii taxikua'a xa'a ña on vá'a ke'é ra, ta ndatán ka'an ún xí'in yivá m̄i ún, saá xín̄i ñó'ó ka'an ún to'on to'ó xí'in

ndi'i taa taxikua'a. Ta ndatán ka'an ún xí'in nañani mji ún, saá xini ñó'ó ka'an ún xí'in ndi'i taa takuáchí. ² Ta ndatán ka'an ún xí'in si'i mji ún, saá xini ñó'ó ka'an ún xí'in ndi'i náña'a náxikua'a. Ta ndatán ka'an ún xí'in náña'a kiva mji ún, xí'in ñato'ó, ta xí'in ñandii, ñii kiva saá xini ñó'ó ka'an ún xí'in ndi'i náña'a nákuáchí.

³ Tá yoo náña'a ná ndixa njndoo mató'ón, chi nixi'i yij ná, ta on koo nave'e ná, ta xini ñó'ó nañani yó xí'in náki'va yó chindeé na náña'a yó'o. ⁴ Ta saá ni, tá náña'a ná nixi'i yij yó'o kómí ná sa'ya ná, án sa'ya ñani ná, ta nasa'ya náña'a yó'o kúu na si'na xini ñó'ó chindeé na náña'a yó'o, ná kúu si'í na án xitan na. Ta xí'in ña ke'é na saá, cha'vi na xa'a ñava'a ke'é yivá si'í na án xij xitan na xí'in na kivi xá'no na. Ta nivi na kisa ndivi ñava'a xa'a ña chindeé na yivá si'í na, nayó'o sákusij na ini Ndios. ⁵ Ta náña'a ná ndixa njndoo mató'ón, chi nixi'i yij ná, ta on koo nave'e ná, ta nayó'o ndixa ndaa ini ná Ndios ta ndivi ñoo ká'an ná xí'in Ndios, ta ndúkú ná noo ra ña chindeé ña'á ra. ⁶ Ta saá ni, yoo sava náña'a ná nixi'i yij, ta ndasaá kuiti sákusij ná ini mji ná, ké'é ná ndatán kóni yiki koñu mji ná, ta nayó'o ndatán yoo ná nixi'i noo Ndios, saá yoo ná, vará taku ka ná ñoyivi yó'o. ⁷ To'on yó'o ka'nda chiño ún noo nañani yó xí'in náki'va yó, na kúu nave'e náña'a ná nixi'i yij, chi nayó'o xini ñó'ó kasa ndivi na ñava'a. Ta saá on koo xa'a ña chikaaj nivi kuachi satá na. ⁸ Saá chi tá yoo nivi na ká'an, káchí na kándixa na Jesucristo, ta on xijin na chindeé na nave'e mji na, ta nayó'o on vása kisa ndivi na ñandaaj yichi Jesucristo, ta

saá n̄ivi yó'o kini k̄a ké'é na n̄o n̄ivi na ɔn vása kándixa Jesucristo.

⁹ Ta náña'a ná n̄ixi'i yij, ta kómí ná un̄i s̄iko kuiya ta kuá'a k̄a, ta ñii ñii náyó'o ñii laá x̄ikuu yij ná, ta ndasaá kuiti náña'a yó'o, va'a ka'yi ún k̄ivi ná n̄o tutu x̄a'a ña naki'in ná ña taxi nañani yó x̄i'in náki'va yó na kándixa Jesucristo x̄a'a ña chindeé ña'a na. ¹⁰ Ta náña'a ná naki'in ñava'a yó'o x̄ini ñó'ó kuu náña'a ná xa k̄isa ndivi kuá'a ní chiño va'a, ta kánóo va'a t̄'on x̄a'a ná n̄o n̄ivi. X̄ini ñó'ó kuu ná náña'a ná va'a s̄akua'no s̄a'ya, x̄ini ñó'ó kuu ná náña'a ná x̄i'in ñato'ó n̄aki'in n̄ivi na k̄ixaá ve'e ná, ta x̄ini ñó'ó kuu ná náña'a ná xa n̄akata x̄a'a nañani yó x̄i'in náki'va yó k̄ivi k̄ixaá na ve'e ná, ta x̄ini ñó'ó kuu ná náña'a ná chindeé n̄ivi na xó'vi, ta ndixa taxi x̄i'in m̄i ná ña kasa ndivi ná ndi'i saá n̄o chiño va'a.

¹¹ Ta yóo náña'a ná n̄ixi'i yij, ta náyó'o t̄'án t̄ondaá un̄i s̄iko kuiya ná, ta ɔn ka'yi ún k̄ivi náyó'o n̄o tutu ña káchí naki'in ná ña'a ña taxi nañani yó x̄i'in náki'va yó x̄a'a ña chindeé ña'a na. Saá chi v̄axi k̄ivi kutoo ní náña'a yó'o koo yij ná, ta kixá'a ná ɔn kua'a k̄a ná kasa ndivi ná ña kóni Jesucristo, vará si'na n̄ika'an ná ndi ndixa ɔn tonda'a k̄a ná x̄a'a ña kasa chiño ná n̄o Ndios. ¹² Ta saá nakuiso ná kuáchi, chi x̄i'in ña tonda'a tuku ná, ya'a ndoso ná t̄'on ña si'na n̄ika'an ná kasa ndivi ná. ¹³ Ta yóo ink̄a ña ɔn vá'a ké'é sava náña'a kuáchí yó'o, chi s̄akua'á ná kuu ná náxúxán, ná x̄ika s̄i m̄i ñii ñii ve'e n̄ivi, ndát̄'on ná t̄'on visi, ta kóni ná ka'nda chiño ná n̄o ink̄a n̄ivi ndasaá x̄ini ñó'ó kasa ndivi na chiño m̄i na, ta ká'an ná x̄i'in n̄ivi t̄'on

ña ɔn vása xínì ñó'ó. ¹⁴ Ta xá'a ñayó'o ndátɔ'on ñí xí'in náña'a ná ñixi'ì yì, ta nákuáchí kóni kúu ná, va'a ká tondá'a tuku ná, ná koo sa'ya ná, ta ná kuni'i va'a ná yichì ña kasa ndivi ná chiño ve'e mii ná. Ta saá ñivi na ɔn vása kándixa Jesucristo ɔn kuchiño na ká'an na ña ɔn vá'a xá'a yó. ¹⁵ Ñayó'o ndátɔ'on ñí xí'in ndó, chi saá yóo ña ɔn vá'a ke'é sava náña'a nákuáchí ná ñixi'ì yì. Náña'a yó'o xa sandakoo ná yichì Jesucristo ta vitin ndíkɔn ná yichì ñanímá ndiva'a ká'no Satanás.

¹⁶ Tá ñii ña'a án ñii tɔa na kándixa Jesucristo kúu nave'e ñii ña'a ñá ñixi'ì yì, ta nayó'o xínì ñó'ó chindeé na ñáña'a ve'e mii nayó'o. Ta saá ɔn sandi'i na xá'a sù'ún ña xínì ñó'ó na ve'e ño'o noo kisa ká'no na Jesucristo, ta na ve'e ño'o yó'o kukomí na sù'ún xá'a ña chindeé na náña'a ná ndixa ñindoɔ mató'ón, chi ñixi'ì yì ná, ta ɔn koó nave'e ná.

¹⁷ Ta naxikua'a na ndíso chiño xí'in natá'an na na kándixa Jesucristo, tá va'a ní'i na yichì ta va'a kisa ndivi na chiño, ta xínì ñó'ó kasa to'ó yó nayó'o, ta chindeé yó na xí'in ña xínì ñó'ó na. Ta ña xínì ñó'ó ní ká kúu ña kasa to'ó ní yó ta chindeé yó ñivi naxikua'a na ká'an ndoso to'on Ndios, ta sáná'a na to'on ña ndaa. ¹⁸ Saá chí to'on Ndios ña ñitaa na xina'á káchí ña saá: “Tá kisa chiño sɔndikì sana ndó ña ndundii trigo, ta ɔn chikaá ndó ñono yu'u táyó'o, ña kuchiño kaxi rí trigo”, káchí to'on Ndios. Ta inká xiiña noo to'on Ndios káchí ña saá: “Ndi'i ñivi na kisa chiño kómí na ndayí ki'in na ya'vi na”, káchí to'on Ndios.

19 Tá yóo ñii taxikua'a ta kúu ta ndíso chiño xí'in na kándixa Jesucristo, ta ñii laá ta vaxi taxi kuachi xa'a tayó'o, ta saá yó'ó ñani yó ta Timoteo, on kama kandixa ún xa'a ña ká'an tayó'o ta táxi kuachi. Saá chi xini ñó'ó ovi án uni nivi na kasa ndaa xa'a ñii ñii kuachi, ta saá va'a kandixa ún ña ká'an na. 20 Tá yóo ñii taxikua'a ta kándixa Jesucristo, ta on xiiin ra sandakoo ra ña on vá'a ké'é ra, ta saá noo ndi'i nivi na nákutá'an ve'e ño'o, ka'an ún xí'in tayó'o ndí xini ñó'ó sandakoo ra on ke'é ka ra ña on vá'a. Ta nivi na xini so'o ña ka'an ún, kuyi'vi na ña yiyo saá kundo'o mii na, tá ke'é na ña on vá'a. 21 Noo Ndios xí'in noo Jesucristo xí'in noo naángel, sákuiso chiño i yó'ó ña kasa ndivi ún ndi'i ñayó'o ña xá'nda chiño i noo ún vitin, ta on vá'a nakaxin ún nivi, ta ñii ki'va ñandaá ke'é ún xí'in ndi'i na. 22 On kama ní chinoo ún nda'a ún sini ta ña nakuiso chiño ra kasa ndivi ra chiño xí'in na kándixa Jesucristo. Saá chi tá on vá'a ke'é tayó'o chiño, ta mii ún nakuiso ún kuachi xa'a ña on vá'a ke'é ra. Ta mii ún, xini ñó'ó kuu ún ta ta ndixa kutaku ndii noo Ndios.

23 Ta on ko'o ní ka ún ndasaá kuiti takuii, ta va'a lo'o kuiti vino ko'o ún, xa'a ña sandúva'a lo'o rá ña kí'vi tixin ún, ta saá tuku saña lo'o kue'e ña nóno káni tá'an xí'in ún.

24 Yóo sava nivi na ké'é ña on vá'a, ta kivi ta'an ka nachiño kasa nani na xa'a kuachi yó'o, ta ndi'i nivi xa xini na xa'a kuachi yó'o. Ta yóo inká nivi na ké'é ña on vá'a, ta ku'a ní kivi yóo se'é ña on vá'a ke'é nayó'o. Ta saá ni, kixaa kivi kundaá ini nivi xa'a ña on vá'a yó'o. 25 Ta ñii ki'va saá ndó'o sava nivi na ké'é chiño va'a, chi tá kundivi chiño

va'a, ta kua'a ní nivi kama va'a xito na ñayó'o. Ta yoo inkā chiño ña va'a ké'é nivi, ta kua'a ní kivi yoo se'é ña, ta saá ni, on kuchiño koo se'é ña ndi'i saá kivi.

6

To'on ña ká'an xá'a nivi na kúu naesclavo

¹ Tá nañani yó án náki'va yó kúu naesclavo, ta nayó'o xini ñó'ó kasa to'ó ní na patrón na. Ta xí'in ña ké'é na saá, inkā nivi on ká'an na ña on vá'a xá'a Ndios, ni on ká'an na ña on vá'a xá'a to'on saná'a yó. ² Ta naesclavo na kisa chiño noo tapatrón ta kándixa Jesucristo, ta naesclavo yó'o, on vá'a kani sini na ndi on vása xini ñó'ó kasa to'ó na tapatrón na chi ñani na kúu ra. Nda víka, naesclavo yó'o xini ñó'ó chikaá ka na ndee ña va'a kasa ndivi na chiño noo tapatrón na. Saá chi ñani na, ta ta kivi ní ini na xini na kúu tapatrón na, ta tayó'o kúu ta ta naki'in ñava'a xá'a chiño kisa ndivi naesclavo yó'o. To'on yó'o kúu ña xini ñó'ó saná'a ún ta ká'an ndoso ún noo nivi.

Tá kutaku yó ndatán kóni Ndios, ta on kutoo ní yó s'i'ún ñoyivi yó'o

³ Tá yoo nivi na saná'a inkā to'on ña on vása yoo yu'ú xí'in to'on ña nika'an Jesucristo, án saná'a na to'on ña on vása yoo yu'ú xí'in to'on ña ndaa saná'a yó ña ká'an ndasaá kutaku yó ndatán kóni Ndios, ⁴ ta na saná'a ña on vá'a yó'o kúu nivi na kisa ká'no xí'in mji, ta ndixa nivi yó'o nda lo'o on vása xini na. Nayó'o ndasaá kuiti kusi'ini na xí'in to'on ña kani tá'an na xí'in nivi xá'a ña kóni kachí sava to'on. Ta xí'in ña

náa n̄ivi saá, kama ní káku ña kuín̄i ini na xín̄i tá'an na, ta kixá'á na sáa ini na xín̄i tá'an na, nda tondaa na nata'vi tá'an na, ta kixá'á na ká'an na kuá'a ní to'on ndiva'a xa'a natá'an na, ta xáni s̄inj̄ na ndí na on vá'a ini kúu ndi'i natá'an na. ⁵Nayó'o, xí'in to'on káni tá'an na xa'a ña on vása ndáya'ví. Ta ndatán yóo ña tá'yí saá yóo ña xín̄i tóni nayó'o, saá chi on vása xín̄i na yu kúu ña ndixa ndaa. Ta xáni s̄inj̄ na ndí ña kundikon na yich̄i Ndios kúu ña nduu na nakuíká, na kuá'a ní s̄i'ún kukomí. Ta ȳij̄ ká'an̄i xí'in ún on nakutá'an ún xí'in n̄ivi na on vá'a yó'o. ⁶Tá ndixa ndikon ndino'o ini yó yich̄i Ndios, ta tá kúsij̄ ini yó xín̄i yó ñava'a táxi Ndios nda'a yó, ta saá ndixa kómí yó ñakuíká ndino'o. ⁷Saá chi k̄iv̄i kaku yó ñoyívi yó'o, on koó ña'a ní-kixaá xí'in yó. Tá tondaa k̄iv̄i k̄iv̄i yó ta saá kuá'an yó xí'in Ndios, ta on kuchiño ko'on nda ñii ñakuíká xí'in yó. ⁸Ñakán kía, tá xa yóo ña xíxi yó xí'in tikoto kundixin yó ñoyívi yó'o, ta va'a ná kusij̄ ini yó xí'in ñayó'o. ⁹Yóo n̄ivi na kóni kukomí ñakuíká ñoyívi yó'o, ta xa'a ñayó'o kí'vi na kuachi ké'é na ña on vá'a, chi kixá'á na kútoo ní na kukomí na kuá'a ní noo ña on vása ndáya'ví, ña kúu ña sátiví xí'in m̄ij̄ na, ta kixá'á na kuá'an na yich̄i noo ndi'i xa'a na. ¹⁰On vása va'a ña kútoo n̄ivi kukomí na kuá'a ní s̄i'ún, chi noo ña kútoo ní na s̄i'ún káku ndi'i saá noo ña on vá'a. Xa'a ña kútoo ní na s̄i'ún, sava n̄ivi sandakoo na yich̄i Jesucristo, ta saá xo'vi ní nayó'o.

*TaPablo ká'an ra xí'in taTimoteo
xín̄i ñó'ó kutaku ra ndatán kóni Ndios*

11 Ta yó'ó, taTimoteo, ta ta kisa chiño noo Ndios, xini ñó'ó kuxiká ún noo ndi'i ña on vá'a. Ta xini ñó'ó kasa ndivi ún ñandaa, kutaku ún ndatán kóni Ndios, ta kandixa ndino'o ini ún Jesucristo. Kuki'vi ini ún koni ún nivi, kundeé ini ún noo ndi'i ña xo'vi ún, ta kuu ún ta ta va'a ini xí'in ndi'i nivi. 12 Saá tuku xini ñó'ó chikaa ní ún ndee xa'a yichi Jesucristo ña kúu ña ndíkon yó. Ta chikaa ní ún ndee xa'a ña taxi Ndios ña kutaku ún xí'in ra ndi'i saá kivi ña vaxi. Chi xa'a ñayó'o, Ndios nakana ra yó'ó kivi nika'an ún kandixa ún Jesucristo noo ku'a ní nivi xini na yó'ó. 13 Ta vitin noo Ndios, ta ta taxi ña táku ndi'i saá ña'a ña yóo, ta noo Jesucristo, ta ta ndakuin xa'a ñandaa kivi xindichi ra noo taPoncio Pilato, xá'nda chiño i noo ún vitin. 14 Chikaa so'o ún ndi'i ña xá'nda chiño i noo ún, ta kasa ndivi ún ndi'i ña kóni Ndios, ña on kuchiño inká nivi ka'an na ña on vá'a xa'a ún. Saá vivíi kutaku ún nda kixaa kivi ndikó Jesucristo, Ta taKá'no noo yó. 15 Tá kixaa kivi ña chitóni Ndios, ta tuku sanativi ra Jesucristo ña koni nivi ñoyívi yó'o. Ta ñii laá Ndios yó'o kúu tava'a ní, ta taKá'no noo ndi'i nivi xí'in noo ndi'i ña'a ña yóo ñoyívi. Kómí ra ndi'i ndee xí'in ndi'i ndayí noo ndi'i narey, ta Ndios kúu ta ká'no ka noo ndi'i naná'no na yóo ñoyívi yó'o. 16 Ta ñii laá Ndios kúu ta xa táku ndi'i saá kivi nija'a ta kutaku ra ndi'i saá kivi ña vaxi. Yóo Ndios ma'ño ña yé'e ní ña on vása kuchiño koto kaxín nivi xí'in nduchú noo na, ni on vása kuchiño tondaa yatin nivi noo yóo ña yé'e yó'o. Nda ñii nivi on ta'an koni na Ndios, ni on kuchiño koni na ra xí'in nduchú noo na. ¡Ná

naki'in Ndios ndi'i ñato'ó, ta ná kasa ká'no ndi'i ñivi Ndios, chi kómí ra ndi'i ndee ndi'i saá kivi! Saá ná koo ña.

¹⁷ Xíni ñó'ó ndato'on ún xí'in ñivi na kómí ñakuíká ñoyívi yó'o ña on kuu na ñivi na ña'a ní ini, ni on kani sijní na ndí ñakuíká na kúchiño ña sakaku ña na ñoo ndi'i tondó'ó, chi ñakuíká on sivi ña kudeé koo ndi'i saá kivi kúu ña, chi ñii kivi kuchiño ndaño'ó ñakuíká, án ndi'i xa'a ña. Va'a ka ñivi nakuíká ndixa ná kundaa ini na ndí Ndios kúu ta kúchiño chindeé ra na, chi ñii laá Ndios tatáku kúu ta ta táxi ndi'i saá ñoo ñava'a nda'a yó, xa'a ña koni ñó'ó yó ñayó'o xí'in ñasijí ini yó. ¹⁸ Ndato'on ún xí'in ñivi nakuíká ndí xini ñó'ó ke'é na ñava'a, ta kasa ndivi na ku'a ní chiño va'a. Ta xini ñó'ó kuu na ñivi na on vása sí'nda, ta víka koo ti'va na ta'ví na ñakuíká kómí na, ta xí'in ñasijí ini na taxi na ña xini ñó'ó ñivi nda'a na. ¹⁹ Tá ke'é nakuíká saá, ta kivi vaxi nayó'o kukomí na ñakuíká ndino'o ñoyívi ñino. Saá chi ñava'a ké'é nayó'o sáná'a ña ndí ndixa va'a kándixa na Ndios. Ta saá kuchiño taxi ra ña kutaku ndino'o na xí'in ra ndi'i saá kivi ña vaxi.

*Ñayó'o kúu to'on sondí'í tutu yó'o
ña sakuiso chiño taPablo taTimoteo*

²⁰ Tata Timoteo, chikaá ún ndee ña va'a kasa ndivi ún chiño ña sakuiso chiño Ndios yó'ó. Ta on chikaá so'o ún to'on vatá ña on vása ndáya'ví ña kúu ña ká'an ñivi na ndíkon yichí on vá'a ñoyívi yó'o. Xáni sijní ñivi na on vá'a yó'o ndí ká'an na to'on ndíchí, ta on sivi ñandaá kúu ña xáni sijní na. ²¹ Yoo sava ñivi na kándixa ta táku

na xí'in to'on vatá yó'o, ta xá'a ñayó'o sandakoo
na yichí Jesucristo.

Ta ndi'i saá kivi Ndios ná ke'é ra ñava'a ní
xí'in ún. Saá ná koo ña.

**Alcatlatzala Mixtec New Testament
Mixtec, Alcatlatzala: Alcatlatzala Mixtec New
Testament (New Testament+)**

copyright © 2019 Wycliffe Bible Translators, Inc.

Language: Mixtec, Alcatlatzala

Contributor: Wycliffe Bible Translators, Inc.

All rights reserved.

2020-11-11

PDF generated using Haiola and XeLaTeX on 21 Feb 2024 from source
files dated 29 Jan 2022

a74bfb3f-bd55-5ab9-983e-8d19de48c198